

جينا احسين بجايه

اجا ينحب هلال احسين يون لينا
يناغينا و إلى المظلوم يودينه

عجيب أمره هلال و شكله مثل القوس
مثل نبيلات رمى بحزانه اعينه

هلاله غير هلال أحمر نرف بجروح
و كنا احنا نرف دمع ابواچينه

و كل شيعي يناظر للهلال ايصيح
أي حسين و مصابك يا والينه

رفعت ايدي حمدت الله اجا عاشور
وذي نعمة و أنا موجود في حينه

إلي غاية أنوح اعلى ابو السجاد
إله طه رسول الله يهل عينه

حينا احسين و الغايه
جينا احسين بجايه

يا محبوبي يا بو الأكبر يا نور العين
ملاذي انتة وخلافك ألتجي لاوين

و وصانا رسول الله على القرآن
و أهل بيته و هدايتنا من الثقلين

و لا همنا الـ يلومونا و لا يدرون
بكانا هذا من طه لنا هالدين

يلومونا و طه الـ غال ترى لحسين
مني و أنه هم منه حبيبي حسين

ابو اليمّة بچی لمصابه عرش الله
و ناحت له الملايك ويا حور العين

و أسمعني يهل تشكل على الـ يبچون
إلك دينك و لينا احنا ترى هالدين

ربنا بيه جعل آيه

جينا احسين بجايه

احس لحسين إسم ينبض في دلالي
و إذا مرة انقطع ذكره اختلف حالي

حياتي حسين ، مماتي حسين صبح ليا
و كل لحظة يمر طيفه على بالي

أقوم و أذكر اوغوفه على الأجساد
ألا من ناصر صوته يترألي

و لو مرة عثر جدمي وطحت بتراب
ذكرته الطاح و ضل ابطيحته عالي

و أصد للكاس و أتذكر عطش لحسين
و لا غير القهر ليا اللي يبرالي

صحت ويلي على اعيوني انرسم لمصاب
و تلوح أطفال تبجي و لا لها والي

لل محروم من مايه

جينا احسين بجايه

ضعت كلي وگع همّي و هدم صبري
بلغ أمري انحنيت و مدمعي يجري

صحت بالهم سمعت أصوات فجعتني
رجف جسمي ، خطف كآبي ، ذهل فكري

وچن أسمع عفيفة اتصيح يا بو فاضل
يا بو الغيرة الحگ لا يگع خدري

و تدريني اني نور الله و الكعبنة
و ستر الله يهل كافل اهو ستري

ولن ليها اجاها الصوت آيا زينب
بيت حيدر طحت قبلي إلي عذري

بشحيح الصوت سمعت احسين يناديها
على خوية يخية أنه انكسر ضهري

يل حامل إله الراية
اجينا احسين بجايه